

<><><><><><>

एह आकाशवाणी जम्मू ऐ, बड्डलै खबरे च तुंदा सुआगत, पैहले खास—खास खबरे कन्नै में विजय बजाज।

Headlines

1. किश्तवाड़ च आतंकवादिएं दऊं ग्राम रक्षा गार्ड गी अगवाह करियै चंदी हत्तेया करी दित्ती। उपराज्यपाल ते मुखमंत्री होरें इनें हत्तेयाएं दी निंदेया कीती। सनातन धर्म सभा नै इनें हत्तेयाएं दे बरोध च इक दिने दे बंद दा आह्वान कीता।
2. गृहमंत्री अमित शाह होरें आखेआ ऐ जे सरकार आतंकवाद दा मकाबला करने लेई इक राष्ट्री नीति ते रणनीति लेइयै औग।
3. जम्मू कश्मीर सरकारे माली बरे 2025—26 लेई बजट तैआर करने दी प्रक्रिया रंभी ऐ। वित्त विभाग नै बजट सरबंधी अंदाजे लेई नवम्बर महीने दी समे सीमा तैह कीती ऐ।
4. विधानसभा च कल जबरदस्त हंगामे दे चलदे बीजेपी विधायकें गी सदन थमां मार्शल आउट कीता गेआ।
5. मुखमंत्री उमर अब्दुल्ला होरें आखेआ ऐ जे ओह ऐसे तरीके अगगे बधाना चाहंदे न जेहड़े राएं केन्द्र सरकार चंदी अवाज गी अनुसुना नेई करी सकै।

हून खबरे दी तपसील कन्नै शगुफता चौधरी।

<><><><><><>श

J&K VDC Members Killed

जम्मू कश्मीर च अज्ज किश्तवाड़ जिले दे जंगली इलाकें च आतंकवादिएं ग्रा रक्षा समिति वीडिीसी दे 2 सदस्येंग ी अगवाह करियै चंदी हत्तेया करी दित्ती। मारे गेदे वीडिीसी सदस्यें दी पंछान नजीर अहमद ते कुलदीप कुमार दे तौर पर कीती गई ऐ। जम्मू कश्मीर दे मुखमंत्रर उमर अब्दुल्ला ते नैशनल कांफ्रेंस दे अध्यक्ष डॉ. फारुक अब्दुल्ला होरें इस हमले दी निंदेया कीती ऐ। उपराज्यपाल मनोज सिन्हा होरें बी आतंकवादी हमले दी निंदेया कीती। उपराज्यपाल होरें नसीर अहमद ते कुलदीप कुमार गी श्रद्धांजलि भेंट कीती ते सारे आतंकी संगठने दा खात्मा करने दा सरकार दा संकल्प फही दोहराया।

<><><><><><>श

Add J&K VDC

तोआई नैशनल कांफ्रेंस दे प्रधान डॉ. फारुक अब्दुल्ला, मुखमंत्री उमर अब्दुल्ला, विधानसभा च विपक्ष दे नेता ते बीजेपी विधायक सुनील शर्मा ते किश्तवाड़ थमां विधायक शगुन परिहार होरें किश्तवाड़ दे जंगली इलाकें च दऊं वीडिीसीएं दी बेरैहमी कन्नै कीती गेदी इत्तेया दी सख्त निंदेया कीती ऐ। इनें हत्तेयाएं दे बरोध च सनातन धर्म सभा किश्तवाड़ नै अज्ज बंद दा आह्वान कीता ऐ।

<><><><><><>श

केन्द्री गृहमंत्री अमित शाह होरें आखेआ ऐ जे सरकार तौले गै आतंकवाद कन्नै निबड़ने लेई राष्ट्रीय आतंकवाद रोधी नीति ते रणनीति लेइयै औग। कन नमीं दिल्ली च राष्ट्रीय जांच अजेंसी आस्सेआ आयोजित दो दिनें दे आतंकवाद रांधी सम्मेलन दा उद्घाटन करदे होई शाह होरें आखेआ ऐ जे पिछले 10एं ब'रे च नरेन्द्र मोदी हुंदी अगुवाई आली सरकार नै आतंकवाद खलाफ सख्त रवैया अपनाया ऐ। उनें इब्बी आखेआ ऐ जे पिछले 10एं ब'रें च आतंकवाद खलाफ लड़ने लेई मुख्य च इक मजबूत प्रणाली तैआर कीती गई ऐ।

<><><><><><>श

Fiscal Year 2025-26

जम्मू कश्मीर दे वित्त विभाग नै माली ब'रे 2025-26 लेई बजट तैआर करने दी प्रक्रिया रंभी दित्ती ऐ। कल जारी कीती गेदी औपचारिक अधिसूचना च सब्बने प्रशासनिक विभागें, मैहकमे दे प्रमुखें बजट कंट्रोलिंग अफसरें ते डीडीओएं गी निर्देश दित्ता गेआ ऐ जे ओह बजट दे अंदाजे तैआर करना शुरू करी देन। 2024-25 लेई नमें सिरिया तैआर अंदाजे गी बी एहदे च शामिल कीता जाग। इस पूरी प्रक्रिया गी चुस्त-दरुस्त बनाने लेई सब्बने मैहकमें गी डीडीओ स्तर पर शुरूआती तैआरियां पैहली नवम्बर तगर पूरी करन ते मैहकमे दे प्रमुखें दे स्तर पर तैआरियां 15 नवम्बर तगरी पूरी करने दा हुक्म रसाल कीता गेआ ऐ। बजट सरबन्धी खीरी प्रस्ताह 20 नवम्बर थमां पैहले पैहले वित्त विभाग गी जमा करोआया जाना लाजमी होग। वित्त विभाग नै बजट आली इस व्यापक कारवाई गी सैहयोग देने लेई तफसीली दिशा निर्देश उपलब्ध करोआए न।

<><><><><><>श

CS GCC

मुख्य सचिव अटल डुल्लू होरें कल उनें सिविल समाज दे सदस्यें कन्नै इक विस्तृत सत्र दा आयोजन कीता जेहड़े जागरूक बपारिएं दे समूह(जीसीसी) दे बैनर हेठ आए दे हे तां जे बक्ख-बक्ख सरकारी खेत्तरें च कीते जाने आली दखल दी लोड़ बारे जानकारी हासल कीती। इस गल्लबात दरान मुख्य सचिव होरें जागरूक नागरिकें दे समूह आस्सेआ पेश कीती गेदी चिंताएं रु मती रुचि दस्सी। उनें भरोसा दोआया ऐ जे सब्बने चिंताएं गी तोले शा तोले सुनेआ जाग ते उंदा हल कड़डेआ जाग। इस सत्र च समूह आस्सेआ पुट्टे गेदे सुआलें पर सरबन्धत अफसरें चर्चा बी कीती ते उनें बी इस गल्लै दा भरोसा दोआया ऐ जे इनें मुद्दें गी हल कीता जाग। एहदे थमां पैहले इस समूह दे अध्यक्ष खुर्शीद अहमद गनेई होरें शैहरें दे विकास दे बक्ख-बक्ख पैहलुएं पर लोह पाई जेहड़े समूह दे मताबक श्रीनगर गी रौहने आसतै इक बेहतर थाहर बनाने लेई मते महत्वै आले न।

<><><><><><>श

DC Udhampur(byte)

उधमपुर दी डिप्टी कमीशनर सलोनी राय होरें कल सरकारी मैडिकल कालेज उधमपुर दे तकरीबन 200 बिस्तरें आले टीचिंग अस्पताल ते टाउन हाल दे कोल बहुस्तरीय पार्किंग सुविधा दा मौके पर निरीक्षण कीता। इस दोरे दरान डिप्टी कमीशनर होरें तकरीबन 1 सौ बिस्तरें आले टीचिंग अस्पताल ते पार्किंग दे चला'रदे निर्माण कम्में दा जायजा लैता। उनें इस गल्लै पर जोर भरेआ ऐ जे चला'रदे कम्में च कोई बी विग्न पौंदी ऐ ते उसी तौले शसतौले दूर कीता जा तां जे कम्म तैहत समें सीमा अंदर मुकम्मल कीता जा। डिप्टी कमीशनर होरें एकजीक्यूटिंग अजेंसिएं गी हिदायत दित्ती ऐ जे ओह डबल शिफ्टें च कम्म करन तां जे

इस परियोजना गी मित्थे गेदे समें दे अंदर पूरा कीता जाई सकै। आकाशवाणी कन्नै गल्लबात करदे होई उधमपुर दी डिप्टी कमीशनर सलोनी राय होरें आखेआ

<><><><><><>श

ते हुन बाकि दिएं खबरें कन्नै विजय बजाज।

<><><><><><>

Assembly-JK

जम्मू-कश्मीर विधानसभा गी अज्ज दिन भरै लेई स्थगित करी दित्ता गेआ। जम्मू-कश्मीर दा विशेष दर्जा परताने बारै पारित कीते गेदे प्रस्ताव दे चलदे विपक्ष नै बड़ा मता हंगामा कीता। कल जियां गै विधानसभा दी कारवाई शुरू होई तां बीजेपी नेता सुनील शर्मा होरें इस प्रस्ताव खलाफ आवाज पुट्टी ते इसी असंवैधानिक करार दित्ता। विरोधी घड़ें दे केई सारे मिम्बरें सदन दे बिच्च बश्कार औने दी कोशश कीती जेहदे चलदे स्पीकर हुंदी हिदायतें पर किश गी सदन थमां मार्शल आउट कीता गेआ। सांसद इंजीनियर रशीद हुंदे भ्राऽ ते लंगेट थमां विधायक खुर्शीद शेख होरेंदफा 370 ब्हाल करने ते हिरासत च रखे गेदे सियासतदानें गी रिहा करने दी मंग आला बैनर सदन च लैहराया जेहदे बरोध च बीजेपी दे नेता सदन च आई गे ते बैनर खुस्सने दी कोशआ कीती। विधानसभा च होए दे हंगामे गी दिखदे होई स्पीकर होरें पैहने सदन दी कारवाई गी 15एं मिंटे लेई ते मगरा दिन भरै लेई स्थगित करी दित्ता। सदन च कल नैशनल कांफ्रेंस ते बीजेपी दे विधायकें बश्कार त्रिक्खी बैहस बी होई।

<><><><><><>श

CM Ganderbal

मुख्यमंत्री उमर अब्दुल्ला होरें आखेआ ऐ जे ओह ऐसे तरीके राएं अगगे बघना चांहदे न जेहड़ा केन्द्र सरकार गी उंदे नै गल्लबात लेई मजबूर करै ते केन्द्र उंदी अनदिकखी नेई करी सकै। गांदरबल च कल सिंध नाले पर इक पुल लेई नीह पत्थर रखने परेंत किट्ठ अगगे भाषण दिंदे होई उमर होरें आखेआ जे प्रदेश दे विशेष दर्जे दी ब्हाली आला प्रस्ताह विधानसभा इजलास दे पैहले दिन नेई आंदा गेआ तां किश लोकें आखेआ जे सरकार इस बारे भुल्ली गेदी ऐ ते किश नै आखेआ जे सरकार धोखेबाजी करै करदी ऐ। मुख्यमंत्री होरें आखेआ जे ओह चांहदे न जे विधानसभा थमां ऐसी अवाज बाहर निकलै जेहदी केन्द्र सरकार कदें गी अनदिकखी नेई करी सकै।

<><><><><><>

Div.Com

जम्मू महानगर इलाकाई विकास प्राधिकरण दे अतिरिक्त मुक्वा कार्यकारी अधिकारी ते जम्मू दे डिवीजनल कमीशनर रमेश कुमार होरें कल प्राधिकरण तैहत्त बक्ख-बक्ख परियोजनाएं पर चला'रदे कम्में दी प्रगति दा जायजा लैता। डिवीजनल कमीशनर होरें जम्मू महानगर इलाकाई विकास प्राधिकरण दी विजयपुर, हीरानगर ते जम्मू दे ट्रांसपोर्ट नगर च बक्ख-बक्ख परियोजनाएं दी प्रगति दी समीक्षा कीती। अधिकारिएं उनेंगी दस्सेआ ऐ जे इस परियोजना तैहत्त विजयपुर दी मुख्क इमारत दा कम्म सफेदी दे बगैर पूरा मुकम्मल कार लैता गेदा ऐ। डिवीजनल कमीशनर होरें सरबंघत अधिकारिएं गी पिर्देश दित्ते न जे ओह इस परियोजना तैहत्त चला'रदे कम्में गी 15 दिसम्बर तोड़ी मुकम्मल करन। डिवीजनल कमीशनर होरें जम्मू दे ट्रांसपोर्ट नगर दे विकास कम्में दा

बी तेजी आलले लेई जोर भरेआ। उनें कम्म तपोड़ चाढ़ा करदी अजेसिएं दे सरबंघत अधिकारिएं गी हिदायत कीती ऐ जे ओह सब्बने कम्में गी तौले थमां तोले मुकम्मल करन।

<><><><><><>

Students Sadal(byte)

उधमपुर दे सदुदाल आले प्राइमरी स्कूल दे विद्यार्थिएं पिछले इक दहाके थमो मते समें थमां इक खस्ता हाल ते बिजन कराए आली इमारत च पढ़ाई करै करदे न। केई सारी अपीलें दे बावजूद अजे गी इस स्कूल गी केई स्थाई ढांचा नेई थोए दा। इस बारे जिसलै आकाशवाणी संवाददाता नै जिले दिऐं उपमुख्य शिक्षाअधिकारी कल्पना जसरोटिया हुंदे कन्नै गल्लबात कीती तां उनें आखेआ जे 121 स्कूलें गी बिजन कराने आली इमारतें च चलाया जा करदा ऐ। उनें आखेआ जे हुन जिसलै आकाशवाणी दे माध्यम कन्नै उनेंगी इस बारे जानकारी थोई ऐ तां ओह पक्क गै इस बारे लोडत्रचदी कारवाई करगंन.....बाईट

<><><><><><>

Read:- Shagufta Choudhary & Vijay Bajaj

D.E.O. : Mukesh Gupta

Skilled : Rajat

Editor : Yogesh Sagotra